

南海寄歸內法傳

卷一  
之二

南海寄歸內法傳目錄

卷一

序

一破夏非小

二對尊之儀

三食坐小牀

四餐分淨觸

五食罷去穢

六水有二瓶

七晨旦觀蟲

八朝嚼齒木

九受齋軌則

卷二

同濟醫學

卷三

十一衣食所須

十一著衣法式

十二尼衣喪制

十三結淨地法

十四五眾安居

十五隨意成規

十六匙筋合不

十七知時而禮

十八便利之事

### 卷三

十九受戒軌則

二十洗浴隨時

二十一坐具襯身

二十二臥息方法

二十三經行少病

二十二四禮不相扶

二二十五師資之道

二十六客舊相遇

二十七先體病源

二十八進藥方法

二十九除其弊藥

三十旋右觀時

## 卷四

三十一灌沐尊儀

三十二讚詠之禮

三十三尊敬乖式

三十四西方學法

三十五長髮有無

三十六亡財僧現

三十七受用僧物

三十八燒身不合

三十九傍人獲罪

四十古德不爲

行資三學戒在所先。十誦嚴繁僧祇寬簡餘參疏密都不相蒙。五竺南洲四部迭尚唯我支那法護單崇然一管不足窺天。多師乃能達義。又况時移地易機異習殊者乎。戒學大壞同志應研。燋淳其凶名曰戒疤稽無羯磨寧非誕妄。恆河身命布施不及法供養最。讀誦思惟而先傷腦豈不悲哉。夷殘而下幾戒能行。手捉金錢稟高億秭。東川長袖一拂生風高廣大床。千人同夢瓶鉢之規安用漉囊之制無聞若也持戒明明齋處相違。違猶曰持云何而非欺妄。長揖世閒所學何事。吾故曰戒學大壞同志應研也。豈唯今日在唐已然固陋相循習焉不察謂予不信請誦斯篇歐陽漸識。

南海寄歸內法傳卷第一

唐翻經三藏沙門義淨撰

序曰原夫三千肇建爰彰興立之端百億已成尙無人物之序既空洞於世界則日月未流實闇寂於慘舒則陰陽莫辯暨乎淨天下降身光自隨因餐地肥遂生貪著林藤香稻轉次食之身光漸滅日月方現夫婦農作之事興君臣父子之道立然而上觀青象則妙高色而浮光下察黃輿乃風蕩水而成結而云二儀分判人生其中感清濁氣自然而然有陰陽陶鑄譬之以鴻爐品物財成方之於

誕埴者蓋寡聽曲談之謂也。於是岳峙星分含靈  
蔓蓮。遂使道殊九十六種。諦分二十五門。僧侶乃  
從一而萬物始生。辭世則因六條而五道方起。或  
露體拔髮將爲出要。或灰身椎髻執作升天。或生  
乃自然。或死當識滅。或云幽幽冥冥莫識其精眇  
眇忽忽罔知所出。或云人常得人道。或說死便爲  
鬼靈。或談不知蝶爲我已。不知我爲蝶形。旣羣迷  
於蝶蠭。復聚惑於螟蛉。比渾沌於雞子。方晦昧於  
孩穫。斯皆未了由愛故生。藉業而有輸。迴苦海往  
復迷津者乎。然則親指平途。躬宣妙理。說十二緣

起獲三六獨法號天人師稱一切智引四生於火  
宅拔三有於昏城出煩惱流登涅槃岸者粵我大  
師釋迦世尊矣創成覺龍河九有興出塵之望後  
移光鹿苑六道盛歸依之心初轉法輪則五人受  
化次談戒躅則千生伏首於是闡梵響於王舍獲  
果者無窮酬恩惠於父城發心者莫算始自了教  
會初願以標誠終乎妙賢契後期於結念住持八  
紀弘濟九居教無幽而不陳機無微而不納若泛  
以爲宅有者大非戒興則非滅存生者小過律顯

則過亡。且如恚損輕枝現生龍戶。慈濟微命交升  
帝居。善惡之報固其明矣。於是經論兼施定慧俱  
設。攝生之紐唯斯三藏乎。既而親對大師教唯一  
說。隨機拯物理亡他議。及乎薛舍初辭魔王惑歡  
喜之志。熙連後唱無滅顯亡疑之理。可謂化緣斯  
盡能事畢功。遂乃跡滅兩河人天掩望影渝雙樹  
龍鬼摧心。致使娑羅林側淚下成泥。哭者身邊血  
如華樹。大師唱寂世界空虛。次有弘法應人結集  
有五七之異。持律大將部分爲十八之殊。隨所見  
聞三藏各別。著下裙則裙有偏正。坡上服則葉存

狹廣同窟乃異室繩圍兩俱無過受食以手執畫  
地二並亡愆各有師承事無和雜。有部則正餘三  
並偏。有部則要須別室。正量以繩圍牀。有部手詣。

僧祇畫地也。諸部流派生起不同。西國相承大綱

唯四。

一阿離耶莫訶僧祇尼迦耶。唐云聖大眾部。

分出七部。三藏各有十萬頌。合三十萬頌。唐譯可

成千卷。二阿離耶悉他陞羅尼迦耶。唐云聖上座

部。分出三部。三藏多少同前。三阿離耶慕羅薩婆

悉底婆拖尼迦耶。唐云聖根本說一切有部分出

四部。三藏多少同前。四阿離耶三蜜栗底尼迦耶。

唐云聖正量部。分出四部。三藏二十萬頌。律有三千頌。然而部執所傳多有同異。且依現事言其十八分爲五部。不聞於西國耳。其閒離分出沒部別名字事。非一致。如餘所論。此不繁述。故五天之地及南海諸洲。皆云四種尼迦耶。然其所欽處有多少。摩揭陀則四部通習。有部最盛。羅荼信度。西印度國名。則少兼三部。乃至正量尤多。北方皆全有部。時逢大眾。南面則咸遵上座。餘部少存東裔。諸國雜行四部。從那爛陀東行五百驛。皆名東裔。乃至盡窮。有大黑山。計當土蕃南畔。傳云是蜀川。

西南行可一月餘便達斯嶺。次此南畔逼近海涯。有室利察咀羅國。次東南有郎迦戍國。次東有社和鉢底國。次東極至臨邑國。並悉極遵三寶。多有持戒之人。乞食杜多是其國法。西方見有實異常倫。師子洲並皆上座而大眾斥焉。然南海諸洲有十餘國。純唯根本有部。正量時欽近日已來少兼餘二。從西數之有婆魯師洲。末羅遊洲。即今尸利佛逝國是。莫訶信洲。訶陵洲。咀咀洲。益盆洲。婆里洲。掘倫洲。佛逝補羅洲。阿善洲。末迦漫洲。又有小洲不能具錄。斯乃咸遵佛法多是小乘。唯末羅遊

少有大乘耳。諸國周圍或可百里或數百里。或可  
百驛。大海雖難計里。商船串者準知。良爲掘倫初  
至交廣。遂使總喚崑崙國焉。唯此崑崙頭捲體黑。  
自餘諸國與神州不殊。赤腳敢曼。總是其式。廣如  
南海錄中具述。驪州正南步行可餘半月。若乘船  
纔五六潮。卽到七景。南至占波。卽是臨邑。此國多  
是正量。少兼有部。西南一月至跋南國。舊云扶南。  
先是裸國人多事天。後乃佛法盛流。惡王今並除。  
滅迦無僧眾。外道雜居。斯卽瞻部南隅非海洲也。  
然東夏大綱多行法護。關中諸處僧祇舊兼江南。

嶺表有部先盛而云十誦四分者多是取其經來以爲題目詳觀四部之差律儀殊異重輕懸隔開制迥然出家之侶各依部執無宜取他輕事替已重條用自開文見嫌餘制若爾則部別之義不著許遮之理莫分豈得以其一身偏行於四裂裳金杖之喻乃表證滅不殊行法之徒須依自部頻毗

娑羅王夢見一氈裂爲十八片一金杖斬爲十八

段怖而問佛佛言我滅度後一百餘年有阿輸迦

王威加瞻部時諸苾芻教分十八趣解脫門其致一也此卽先兆王勿見憂耳其四部之中大乘小

乘區分不定。北天南海之郡純是小乘神州赤縣之鄉意存大教。自餘諸處大小雜行。考其致也。則律檢不殊。齊制五篇通修四諦。若禮菩薩讀大乘經名之爲大。不行斯事號之爲小。所云大乘無過二種。一則中觀。二乃瑜伽。中觀則俗有真空體虛如幻。瑜伽則外無內有。事皆唯識。斯並咸遵聖教。孰是孰非。同契涅槃何真何僞。意在斷除煩惑。拔濟眾生。豈欲廣致紛紜。重增沈結。依行則俱升彼岸棄背則並溺生津。西國雙行理無乖競。旣無慧目誰鑒是非。任久習而修之。幸無勞於自割。且神

州持律諸部互牽而講說撰錄之家遂乃章鈔繁雜五篇七聚易處更難方便犯持顯而還隱遂使覆一簣而情息聽一席而心退上流之伍蒼鬚乃成中下之徒白首寧就律本自然落漠讀疏遂至終身師弟相承用爲成則論章段則科而更科述結罪則句而還句考其功也實致爲山之勞巖其益焉時有海珠之潤又凡是製作之家意在令人易解豈得故爲密語而更作解嘲譬乎水溢平川決入深井有懷飲息濟命無由準檢律文則不如此論斷輕重但用數行說罪方便無煩半日此則

西方南海法徒之大歸矣。至如神州之地，禮教盛行。敬事君親，尊讓耆長，廉素謙順，義而後取。孝子忠臣，謹身節用。皇上則恩育兆庶，納隍軫慮，於明發羣臣，則莫不拱手履薄，呈志於通宵。或時大啓三乘，廣開百座，布制底於八澤，有識者咸悉歸心。散伽藍於九宇，迷途者並皆迴向；皇皇焉農歌畎畝之中，濟濟焉商詠舟車之上，遂使雞貴象尊之國頓穎，丹墀金隣玉嶺之鄉，投誠碧砌，爲無爲事，無事斯固無以加也。雞貴者，西方名高麗國爲俱俱吒；譬說羅，俱俱吒是雞。譬說羅是貴，西方傳云。